



**R.P. Leonardii Lessii E Societate Iesu Theologi. In D.
Thomam De Beatitudine. De Actibus Hvmanis. De
Incarnatione Verbi. De Sacramentis Et Censvris.
Prælectiones Theologicæ Posthvmæ**

Lessius, Leonardus

Lovanii, 1645

Dvb. 1. Vtrum aliquando fieri possit confessio non integra, & quibus casibus.

[urn:nbn:de:hbz:466:1-72898](https://nbn-resolving.de/urn:nbn:de:hbz:466:1-72898)

grē confessus est; & ex parte Sacerdotis scientia generalis, quā intelligit pœnitentem se accusare de peccatis, videtur sufficere præcisē ad absolutionem. Cognitio enim distincta peccatorum non tam ad absolutionem, quā ad satisfactionem, & remedia prescribenda videtur necessaria. Quod confirmatur: quia, qui sic absoluitur in articulo mortis, validē absoluitur; vt infra art. 2. dub. 2. dicimus: atqui articulus mortis non dat illi hanc potestatem absoluendi cum generali cognitione; ergo ex ipsa natura rei sufficit.

An tunc
partialiter
iteranda
confessio,

10
Ex parte
pœnitentis
fit irrita
confessio:

1. Si sponte
non est in
tegra.

2. Si defit
dolor &c.

3. Si nolit
acceptare
pœnitentiam.

Aduerte tamen, talem confessionem postea videri iterandam, quā parte intellecta non fuit; vt communiter Doctores docent. Etsi contrarium non sit improbatum, vt docet Henricus lib. 2. de Pœnitentia cap. 14. citans pro se Cordubam, Gabrielem, & Siluestrum.

Ex parte pœnitentis est inualida & repetenda.

Primō: Quando non est integra de industria, ob verecundiam, vel aliam caufam non legitimam. Ob caufam tamen legitimam potest interdum de industria fieri non integra. Pari modo, si ex crassa negligentia non fuerit integra, iuxta ea, quā suprā num. 6. diximus: quamvis Confessor hoc non facile debeat iudicare, quando pœnitens pro suo modulo aliquam operam dedit.

Secundō: Quando non habet illum dolorum, aut non habet absolutum propositum abstinentiū imposterum, vt suprā num. 4. & 5. dictum est.

Tertiō: Quando non est paratus acceptare aliquam rationabilem pœnitentiam, aut certè non habet animum illius implendæ, idque ante absolutionem. Tenetur enim acceptare aliquam pœnitentiam rationabilem, si Sacerdos velit. Neque contrarium est probabile, quidquid aliqui dixerint. Hoc enim aperè docet Concilium Tridentinum sess. 14. cap. 8. Habeant Sacerdotes pre oculis, vt satisfactio, quam imponunt, non sit tantum ad noua vita custodiam, & infirmitatis medicamentum, sed etiam ad præteriorū peccatorum vindictam & castigationem. Nam Claves Sacerdotum non ad soluendum dumtaxat, sed etiam ad ligandum concessas, etiam antiqui Patres & credamus & docent. Ratio est; Quia fungitur officio Iudicis auctoritate diuinā prædicti: ergo eius sententia obligat pœnitentem, muliū magis quā sententia Iudicis secularis, qui tamen ad mulctam subeundam potest obligare. Vnde non potest pœnitens dicere, Nolo hic auferre, sed satisfaciam in Purgatorio. Quod si pœnitentia illi videtur nimis gravis, roget Sacerdotē vt illam mitiget. Quod si, dum pœnitentia iniungeretur, habuit animum implendi, postea tamen neglexit, vel etiam contempnit, non tenetur priorem confessionem repeterere, vt falsò quidam existimarent; sed sufficit confiteri illud peccatum neglectæ pœnitentiae. Et ratio est, quia peccatum sequens non potest Sacramentum, quod precessit, reddere irritum: nam natura Sacramenti, eiulque effectus non pendet ab eventu futuro.

Notandum hīc est: Si quis inualidē confessus redeat ad eundem Cōfessarium, qui adhuc aliquo modo, saltē in confuso, meminit peccatorū, vel status pœnitentis, vel saltē pœnitentiae quam iniunxerat, sufficere vt confiteatur peccata omissa, relictis ijs quæ anteā fuit confessi: sic enim poterit ab omnibus absoluī; vt docet Naūarrus cap. 9. num. 19. Medina, Paludanus, Ri-

chardus. Quod si Confessarius ille, quem adit, nullo modo mesminerit, vel si alium audeat, teneatur ex integrō omnia priora confiteri.

ARTICVLVS II.

Vtrū Confessio debeat esse integra?

R Espondetur: Confessio debet esse **integram** omnium peccatorum, quæ post diligens examen memorie occurunt: idque iure diuino est necessarium. Est fide tenenda. Patet ex Concilio Trid. sess. 14. can. 7. vbi hoc exp̄es̄e definitur: & ex testimonij Scriptura, Conciliorū & Patrum suprā q. 6. dub. 1. allatis.

Hinc sequitur necessarium esse confiteri omnia peccata secundū suas species, numerum, & circumstantias speciem mutantes: quod etiam fide tenendum est ex iisdem locis. Legatur diligenter cap. 5. & can. 7. sess. 14. & Concil. Lateranense cap. 21. Ratio est: quia sine numero & circumstantijs nec pœnitens potest confiteri omnia peccata, à quibus debet absoluī; nec Sacerdos potest cognoscere, à quibus debeat absoluī.

Notandum tamen Primō: Si pœnitens adhibitā diligentia non possit certum numerum invenire, satis esse, vt dicat plus minus, quantum illi videatur. Vel si hoc non potest, aperiāt suam consuetudinem, quanta & quā diuturna ea fuerit: sic enim poterit intelligi eius status. Ita militis satiatis erit dicere, se quotidie blasphemare, quando datur occasio, tali vel tali modo blasphemia. Vsurario, se iam triennum omnibus aduentantibus dare ad usuras. Meritici, se quinquennium omnibus expositam.

Notandum Secundō: Eam diligentiam in examine requiri, quam quis pro suo captu in re serua adhibere solet. Vnde Rustici, & homines simplices cum modica discussione possunt audiri; quia parum sunt idonei ad vitam præteritā excutendam, & interrogatio Sacerdotis supplet. Vide Naūarrus in Capitulum Fratres, de Pœnitentia dist. 5. nu. 65. & sequentibus.

DVBIVM I.

Vtrū aliquando fieri posſit Confessio non integra: & quibus casibus?

R Espondeo: Posse, & debere interdum fieri confessionem non integrā: nempe quotcumque interuenit iustum impedimentum, siue ex parte pœnitentis, siue ex parte Confessoris.

Primō: Si pœnitens dicto uno, vel altero peccato, amittat loquelam: tunc enim est absoluendus. Ratio est; Quia hæc confessio est integrā si. quælam, cut esse potest. Sicut enim oblitio non tollit integratatem confessionis necessariam, ita nec impotens.

Secundō: Quando multi sunt audiendi, & ob temporis breuitatē & periculū mortis ingruens, non possunt omnia dici: vt in naufragio, inusilio hostili, & similibus periculis.

Tertiō: Quando probabiliter timet aliquod notabile damnum sibi, vel alteri ex confessione certi

Si mernat
inde dam-
num.

certi peccati obuenturum: exempli gratia, reuelationem peccati, odium graue, sollicitationem pudicitiae, vel etiam damnum temporale. Ratio est, Quia, dum poenitens alteri timet malum ex sua confessione, esset contra charitatem vel iustitiam, illud confiteri. Si sibi timeret malum, esset contra illam inclinationem vitandi proprii danni, quæ adeo naturalis est, ut humanae imbecillitati non sit consentaneum obligari sponte contra facere per nudum præceptum politium; vnde cùm *Iugum Domini sit suave*, non est credibile in tali causa obligari.

Non tamē
exculat
proprie-
tate
vel compli-
cias infamia
apud solum
Confessa-
tum.

Notandum autem, hoc damnum, quod timeatur, debere esse notabile. Si enim ex mea confessione nihil aliud sequeretur, quam mala opinio Confessoris de me, vel de persona peccati socii, non possem omittere illud peccatum, aut necessariam circumstantiam: vt fere omnes Doctores docent: D. Thomas, Alexander, Bonaventura, Paludanus, Henricus, Durandus, Richardus, Gabriel, Antoninus, Adrianus Papa, Sotus, Caietanus, Angelus: quos citat Petrus Nauarra lib. 2, cap. 4. num. 27. Ratio est duplex: Prior, Quia non est per se infamia, aut notabile dampnū, quod vni aperiantur mea peccata, quando nihil inde aliud sequitur: sicut neque est notabile bonum, quod vni sciat meas virtutes, qui numquam id potest exterius ostendere; vt recte docet Petrus Nauarra loco citato. Si enim id notabile incommodum fuisset, Dominus confessionem peccatorum non præcepisset. Vnde merito, propter integratatem huius Sacramenti, poterit tale peccatum aperiri. Secunda Ratio est: Quia Christus ita instituit hoc iudicium penitentiae, vt voluerit esse integrum & completum, id est, contineat integrum peccatorum absolutionem: ergo etiam instituit & præcepit omne illud, quod per se est necessarium ad hanc integratatem: atqui commissio tali peccato, per se neccliarium est ad integratatem huius iudicij, vt Sacerdoti species, & circumstantia mutans speciem, aperiat: ergo hoc ipsum Dominus præcepit, quando nihil aliud incommodum inde sequitur, quam quod Sacerdos illam personā cognoscet: (hoc enim per se sequitur ex confessione) præfertim cùm non cognoscat, nisi ut fungens auctoritate diuinā.

15 Confessio
Sacerdoti
qui com-
plicem non
douit.

Hic tamen Aduerte Primò: Si poenitens possit commode alteri confiteri, qui socium criminis non cognoscet, tenetur saltē sub veniali peccato: quia tunc non habet iustum causam sic confitendi vt alterius peccatum aperiat.

Si Confes-
sarius com-
plicem inde
conspicer,
quid agamus

Aduerte Secundò: Non est improbabile tale peccatum, seu circumstantiam posse, ac proinde debere taceri apud Confessorem, qui inde socium conjicit. Ita enim tenet Nauarrus cap. 7. num. 3. citans Hostiensem & Innocentium. Idem tenet Viguerius de Confessione. §. *Quod si non possum,* verificulo 27. Bannes 2.2. quæst. 33. art. 8. & alij eiusdem Ordinis. Iuxta hanc sententiam penitentis, si non possit alteri confiteri, & præceptum vel consuetudo confitendi vrgeat, debet omittere illam circumstantiam vel illud peccatum; &, secundum quosdam, debet confiteri internum affectum, tacito opere externo.

DUBIUM II.

Virum posse absolvi ager, qui Confessariam vocavit. & ante eis aduentum vox ei intercipitur? Item: An si non valens confiteri in genere vel specie, solum dedit in extremis signis contritionis iunctando pectus, eleuando oculos in calum, &c?

Quidam putant, non posse absolvi. Fundamentum præcipuum est, quia deest materia confessionis. Ita Abulensis in cap. 16. Matthæi quæst. 79. Melchior Canus relectione 5. fol. 141. Dominicus Soto dicit. 18. quæst. 2. art. 5. Ioannes Medina quæst. 53. codice de Confessione. Nauarrus in Enchiridio cap. 26. num. 27. & cap. 27. num. 268.

Sed dicendum est: Probabilis est, talis debere absoluī. Probatur Primò: Ex Concilio Araucano can. 12: *Subito obmutescens, & baptizari, & penitentiam accipere potest, si voluntatis preterita testimonium aliorum verbis habet, vel praesentis in suo nro.* Et Concilium I. Carthaginense cap. 77. Is. qui in infirmitate penitentiam petit, si casu, dum ad eum Sacerdos venit, oppressus infirmitate obmutuerit, dent testimonium, qui eum audierint, & accipiat penitentiam: & si continuo creditur moriturus, reconciliatur per manus impositionem, & infundatur ori eius Eucharistia. Idem præcipit Leo I. epistola 91. *Haec, Leo I., qui in periculi virginis instantia praesidium penitentia, & max reconciliationis implorant, nec actio illis Penitentia nec Communione denegetur, si eam, amissu etiam vocis officio, per iudicium integrj Jesu querere comprebetur. Quod si aliqua exigitudine ita fuerint aggrauati, ut quod paulo ante poscebant, sub praesentia Sacerdotis significare non valeant, testimonia eis fidelium circumstantium prodeſſe debebant, vi simul & penitentia & reconciliationis beneficium consequantur.*

Ad hæc Respondent Primò: His locis agi solūm de reconciliatione eorum, qui erant excommunicati, & egebant absolutione ab excommunicatione.

Sed contra. Primo: Quia Concilium Araucanicum accipere penitentiam coniungit cum baptizari: intelligit ergo Sacramentum. Idem facit Cœcilius Carthaginense & Leo. Secundo: Quia accipere penitentiam, numquam accipitur apud veteres pro accipere absolutionem ab excommunicatione, sed accipere Sacramentum Penitentia; vt patet ex epistola 2. Cœlestini I. vbi dicitur, *Sacerdotem, qui in extremis penitentiam negat, esse reum animarum.* Idem patet ex verbis Leonis, qui penitentiam vocat actionem penitentiae, qua datur in ipso Sacramento, dum imponitur satisfactio pro peccatis. Reconciliationem autem vocat absolutionem à peccatis, vt patet ex cursu totius epistole. Tertiò: Patres & Concilia non fuissent adeo solliciti de absolutione ab excommunicatione, vel de aliqua reconciliatione non Sacramentali, sine qua infirmi facile poterant saluari, & quæ etiam post mortem poterat impendi.

Respondeo Secundò: Agi de absolutione eorum, qui agebant penitentiam publicam, qui rorū res initio Quadragesimæ confitebantur, & circa Pascha absolvabantur: hi, si interim incidissent in morbi, poterant absoluī sine alia confessione. Ita Canus.